

Ummah di Asia Barat mesti bersatu: Pak Lah

Perdana Menteri sedih negara Islam gagal wujud keamanan

BH- 30/9/2006

Oleh Kadir Dikoh
dan Azrina Ahzan

PUTRAJAYA: Datuk Seri Abdullah Ahmad Badawi berkata keamanan di Asia Barat sukar dicapai selagi umat Islam di rantau itu dan negara anggota Pertubuhan Persidangan Islam (OIC) tidak bersatu.

Perdana Menteri berkata, amat menyedihkan negara anggota OICantang menyuarakan keinginan melihat keamanan wujud di Asia Barat khususnya di Palestin dan Iraq tetapi mereka sendiri gagal untuk bersatu untuk mencapai matlamat itu.

"Saya bercakap ini... saya dapat mendengar suara saya sendiri dan sepatutnya kita tahu apa masalah dan bersatu menanganinya. Kita tidak bersatu berhadapan ancaman bersama.

"Namun, rakyat di Asia Barat itu sendiri tidak bersatu," katanya ketika berucap pada majlis berbuka puasa bersama duta negara Pertubuhan Persidangan Islam (OIC) di Wisma Putra di sini, semalam.

Dua puluh tiga duta negara anggota OIC menghadiri majlis itu yang turut dihadiri Menteri Luar, Datuk Seri Syed Hamid Albar.

Abdullah berkata, persepsi buruk Barat terhadap Islam selama ini berpunca daripada tindakan ummahnya sendiri yang tidak berpegang teguh kepada ajaran sebenar.

Katanya, sesetengah umat Islam tidak melakukan apa yang sepatutnya dilakukan, berdasarkan satu kiblat, satu al-Quran dan satu syahadah.

Sementara itu, Abdullah meminta

umat Islam Malaysia membuktikan bahawa segala kekayaan dan kemudahan yang dinikmati, mampu menjadikan mereka individu berkualiti dan menyumbang kepada pembangunan negara.

Perdana Menteri berkata, jika dibandingkan dengan Cuba yang berjaya membangunkan modal insan mereka dengan cemerlang walaupun terpaksa berhadapan sekatan ekonomi bertahun lamanya, rakyat negara ini masih menganggap apa yang di-

“*Saya rasa sakit dada melihat keadaan di Palestin dan kita mahukan keamanan di situ*”

Abdullah Ahmad Badawi
Perdana Menteri

miliki tidak mencukupi untuk menjadikan mereka insan terbilang,” katanya.

Abdullah berkata, apabila umat Islam menjadi rakyat yang dihormati, mudah bagi mereka memberi penjelasan berhubung segala salah faham yang timbul di kalangan penganut agama lain.

"Umat Islam perlu memperbaiki diri mereka terlebih dulu, sebelum meminta penganut agama lain menghormati mereka," katanya.